

*Radix* fibrosa, crassiuscula, perennis.

*Caules* erecti, spithamales usque sesquipedales, inferne lignosi, superne herbacei, teretes, glabri, ex superioribus alis foliorum brachiati, ramis oppositis.

*Folia* opposita, lanceolata, subsessilia, acute ferrata, ferraturis longis, vix profundis, apice integerrimo; petiolis brevissimis.

*Flores* in racemis, solitarii, patentes; pedunculis in media inferiore parte persistentibus.

*Calyx* inferius gibbus, foliolis imis patentioribus.

*Lamina* ima *petalorum* fere ungue angustior, apice sursum flexa & revoluta.

*Capsula* trigono-pyramidata, angulis obtusiusculis, lateribus planis.

*Semina* subangulata.

*Corolla* alba, adeoque facies fere *Veronicæ* *Anagallidis* aquaticæ vel scutellatæ.

3. CAECOLARIA caule simplici hirsuto, floribus axillaribus solitariis.

*Radix* perennis, fibrosa, crassiuscula.

*Caules* plures, herbacei, simplices, pedales, teretes.

*Folia* alterna, lanceolata vel oblongo-lanceolata, sessilia, pilosa, ferrata, erecta.

*Stipula* subulata, erecta, pilosa, cauli adjuncta.

*Flores* solitarii, alterni, axillares, subsessiles vel pedunculo sustentati cum Bracteolis duabus setaceis in medio pedunculo.

*Calyx* ovatus, foliolis omnibus erectis, intus glabris, extus hirsutis, versus marginem tuberculis filiformibus, truncatis, pilosis obsitis.

*Petala* lateralia lanceolata, foras pubescentia, ungue lineari: petala infima valde magna, ungue inferius carinata.

*Capsula* calyce tumido laxo tecta, ovata, teretiuscula.

*Semi-*